

乾隆杭州府志

杭州府志卷二十六

古蹟

四

餘杭縣

餘杭故城，浙江東運餘杭故縣南新縣北。

水經注

祥符志

云舊縣城在溪南周迴六里二百步東漢令陳渾徙于溪

北後復治于溪南後唐時號爲清平軍城。

咸淳志

溪南城莫

詳所始。

咸化舊志

縣南有三碑是顧颺范甯等碑或考錢武肅

改築溪南或稱宋雍熙再徙溪北。

餘杭縣志

周赧王城 在餘杭縣北三十里高一丈五尺周迴五里

二十六步內有赧王廟舊傳赧王南遊所立史無是事今

不可攷

咸淳志

舊倉城

在餘杭縣東安樂山唐永貞初刺史張綱置吳

越時廢

大清一統志

高二丈上廣八尺下廣二丈周圍四里

一百五十步張綱奏置倉宇四十二間錢氏廢倉建寺倉

址仍存

咸淳志

營盤城

餘杭苕溪南有舊城基元至元十六年參政楊

完者命部將築以守禦名營盤城今廢

續史方輿紀要

仇王城

仇山有廢堞周鏡俗以爲仇王故城

神州古史攷

宋牧馬監

紹興二年八月詔以餘杭南上下湖北置華

生牧馬監命臨安府守臣兼提舉安馬五百匹爲一監牝

一而化四之產駒三分斃二分以上皆有責罰

中興繁
年要錄

餘杭漢舊治

在苕溪南今際留倉卽縣署基也

嘉靖餘
杭縣志

禹維舟穴

在餘杭舟航山頂有石穴相傳夏禹治水維

舟于此東坡詩看山識禹功

餘杭
縣志

風渚 防風氏所封有金鷲山

郡國
志

隋地理志金鷲山屬

餘杭縣而晉地理志以武康縣爲防風氏國豈武康與餘

杭接界防風所封實兼之與

萬歷
舊志

餘杭甬道

寶歷中餘杭縣令歸珖築甬道通西北大路

高廣徑直百餘里行旅無山水之患

新唐書
地理志

歸珖所築甬

道歲久迹堙後人多以南湖大塘當之夫南下湖北去苕

溪止二百餘步安得云百餘里惟縣治西北至古城界路
正合此沿途溪湖不絕遇水驟至渡者多漂沒歸令築甬

道以防民患正在西北不在南下湖也

萬歷舊志

菖溪館

在餘杭縣南少西與鑑亭相近淳祐間徙縣東

南半里外舊志云卽鑑亭非

咸淳志

超然館

在大滌山晉郭文隱此始創菴後改名館

洞霄宮志

鄧牧超然館記歲壬寅秋余自越西游大滌客超然館燕
坐一室若將久焉或曰大滌名山于天下名人也以名人
客名山固宜然然子十年間乃五六西坐席未煖又備然
而東白髮垂耳漫浪湖海無寧居今之留以歲月期乎余
笑曰余本無名奚以山之名不名為哉且天地大也其柱
虛空中不過一粟耳而况大滌在天地之間哉虛空本也
天地猶果也虛空國也天地猶人也一本所生必非一果
一國所生必非一人謂天地之外無復天地焉豈通論耶

人生于天地之間自非甚久天以歲月期之固有積矣計歲月之在人生忽爾爾計人生之在古今亦無幾爾今以一天地所見一歲月所期妄計去留其間乎雖然大滌誠名山也前乎居此若我輩者豈其晉郭許二君功滿道備上登于天蓋世俗所甚慕而大滌之所以爲名也由今觀之則今日去晉不猶且暮乎大滌去天不猶咫尺乎我與二君方相從以遊相忘以居而又何慕焉久亦可速亦可爲我燕坐亦可爲二君冲舉亦可信以爲超然乎哉

通明館 在洞霄宮宋高宗臨幸時寢食于此几榻咸在

大滌洞
天記

瑞蓮堂 餘杭縣治內之東因有白蓮花池故名萬歷舊志下同

綠野堂 在餘杭縣一作綠野亭蘇軾宿餘杭法喜寺後綠野堂望吳興諸

山懷孫莘老學士詩徒倚秋原上凄涼晚照中水流天不盡人遠思何窮問謀却奈過看山識禹功楫深初吹蛤柳老已書蟲荷背風翻白蓮鴈雨退紅追游慰遲暮覓句效兒童北望蒼溪轉遙憐震澤隨烹魚得尺素好在紫髯翁

元同草堂 唐景福二年錢武肅王表勗以居間邱先生

既而旬旦入山問道御史中丞羅隱嘗入室者也

洞霄官志羅

隱過元同先生草堂詩先生訣行日曾奉數行書意密尋難會情深恨有餘石橋春暖後勾漏藥成初珍重雲巢鶴從來不定居

稽亭 稽亭山在餘杭縣南九里上有亭基秦始皇築以

望會稽

名勝志

啤亭 在餘杭縣南五里晉郭文隱大滌山嘗出市貨藥

伏虎於此歸晚則虎啤故名

大清一統志

鰲亭 在餘杭縣南以其在湖中山上因號鰲亭

晏公亭類要

亦名南亭唐貞元初令盧鵬建

咸淳志

按鰲亭與皞亭殊

大清一統志暨咸淳志俱兩載成化志謂鰲卽皞聲之訛恐未

足据

望湖亭

在餘杭縣南湖塘上唐賀歷開令歸珖建

萬歷舊志

湖心亭

在南湖中望洞霄諸峰若列屏嶂春時水發亭

勢若浮

南湖紀遊

鑑亭

在餘杭縣南百步外下瞰大溪清流如鑑因名

咸淳志

志

放龜亭

舊在餘杭縣南五里其地居山帶湖巨石叢起

有類龜形唐貞元中令盧鵬翔爲亭

咸淳志

部伍亭 在餘杭縣東北二里吳將凌統家餘杭于本邑
募鄉兵置部伍于此亭

乾道志

今其南有部伍橋亭廢橋存

萬歷

舊志

清音亭 在大滌洞路之中後數丈乃天柱泉發源之竇
水流沿洞亭間循除以入于沼清冷可愛名取左太冲山

水有清音之句

咸淳志

祥光亭 在大滌洞口錢武肅徵時嘗卧巨石之上指洞
而言曰異時或富貴當建亭覆此石及衣錦回營飾頗盛
其石後瘞亭下祥符五年中使及漕臣州佐邑令偕集于
此忽五色雲出洞中數刻方散因名亭曰祥光樵者聞見

有仙人奕棋于亭至前則不復見咸平中民有來盜其檻者斧之焱焰隨起飛逐盜爲之驚奔

咸淳志

翠蛟亭

在餘杭縣西宋高宗步月至此建亭摘蘇軾庭

下流泉翠蛟舞句爲名

成化舊志

趙汝訔翠蛟亭詩百尺寒蛟下翠亭兩人相對覺風生

闕于小倚飛觴處
一曲松聲雜雨聲

宜霜亭

在來賢殿上宋熙寧間蘇東坡遊此有長松怪

石宜霜鬢句後建此亭

洞霄宮志

翠微亭

來賢殿東半里有峭壁其外旁相去猶有數尺

深入僅可容人臨坎作亭名曰翠微

咸淳志

陳堯佐登翠微亭詩谷口停驂

上翠微五雲宮闕則金扉不却
何處朝元會却是龍鸞隊裏歸

古蹟

九曲亭 在九曲嶺上宋淳熙間建以爲行客憩息之所

因嶺以名亭

大滌洞
天志

聚仙亭 在天柱山前其基爽塏俯瞰洞霄宮最爲清勝

洞霄宮志

陳堯叟聚仙亭詩古柏森羅燒藥竈洞雲瀟灑聚仙亭當時聽法談元侶環佩銷銜拱上清

飛玉亭 在天柱嶺宋建炎年間建有飛泉自天柱發源

奔注亭下

大滌洞
天志

卻金亭 嘉靖七年春餘杭縣知縣王確奏平浮里界民

孫棨寃獄及釋而確以憂去棨母懷白金百敬請助喪役

確曰令知民寃民顧不知令志邪因卻之越二載棨始獲

宥歸乃構亭于達揭曰卻金

萬歷
舊志

天趣軒

在餘杭縣南湖宏治間尚書鄒幹重建

萬歷舊志

翫江樓

在通濟橋南而瞰苕溪宋令柳耆卿建

餘杭縣志

東陽樓

餘杭洞霄宮都監貝大欽作小樓寮中不侈不

約可觴可咏愛其翼然于塵外也與客造焉請名適朝陽

出高岡之上因作東陽樓三字遺之摘陰仙訣中語也

楊棟

紀畧

清習閣

在餘杭縣北止戈鄉光教院

咸淳志

龍游閣

高宗游幸徑山寺僧因建龍游閣

四朝聞見錄

龍游

閣居翠峰之頂畫拱璇題承雲納日虛簷之外又有額曰

凌霄閣

嘉靖餘杭縣志

龍大淵凌霄閣詩脚踏玲瓏上木天此身如在第三禪重重樓閣香雲合一山

河帝綉懸玉筆曾扶雙鳳下珠官只帶六
鰲連自山學士今何在彩筆題詩百代傳

圓覺閣 宋孝宗解圓覺經賜別峰印適建閣初成故名

徑山志 陸游圓覺閣記畧淳熙十年二月己未徑山興
聖萬壽禪寺西閣成己丑上賜住持僧寶印御注圓覺經
且命寶印爲之序既進上爲嘉嘆召見賜賚甚寵于是道
俗咸曰賜經與閣成同時宜勝曰圓覺之閣且刻石以侈
盛事此閣壯觀首冠一山費至三十萬貫錢方閣之未建
東偏有千僧閣紹興中大慧禪師宗杲所管杲住山時衆
盈千數故以名閣然自今觀之雖萬億阿僧
祇衆猶有限量豈若圓覺之廣大無邊也哉

諸葛起故宅 餘杭縣岑山吳步兵校尉諸葛起世居山

旁宗族蕃盛

餘杭土風記

吳筠故宅 餘杭縣石室洞華陰道士吳筠居此又名藏

書洞

名勝志

黃山書屋 在餘杭縣黃山

餘杭縣志 王洪黃山書屋記黃山距餘杭廿里而東面

茗溪望之峯然蔚然蓋山之小而秀者盛氏公行居之自其先世雅尚儒術築館于是山之陽著古書延名師以訓其子姓扁曰黃山書屋至公行尤大而新之問因友人蔣伯昂自中山走臨安來徵言子亦頗有志讀書因不辭而為之言盛氏富而好禮其先彥道嘗牧羊山東有惠在人至今猶思之公行又能率厥祖訓孝親敬兄而宗族翕如人無間言茲非讀書之效乎雖然子又有以告公行也自孔子之徒沒異端蜂起老莊之誕佛氏之怪申韓之慘刻皆蓋賊正道而惑人心公行讀書其尚謙于是故若夫覽山水之秀風物之美而寫情寓懷于烟雲月露崖谷杳冥出沒之間公行必自得之余不復贅

菖蒲田 在凌霄峰下

徑山志

按田爲邸侍郎簡種菖蒲所

藥圃 在來賢巖宜霜亭下夏侯天師種藥于此芝朮

鳩百藥之植靡所不有常施藥于屢市隨緣深淺與之一日樵者聞圃中有犬羣隔離而窺見師策鞭乘一獸似虎非虎疾行如風入東山而去今四山產藥草六十餘種圃

跡猶存

大滌洞天記

升天壇 在大滌中峰之上又名法象壇上圓應天下方應地中應易卦分八角相傳許遠遊仙去時天降白鹿下

迎今山頂松內數丈地草木弗殖是其遺址也宋政和間

猶有卿雲簫吹往來

大滌洞天記 白元鑒天壇詩天壇高百尺只在翠微間碧藓遺踪下情

松白石問元月人已化雲去鶴應還時有吹簫侶月明來故山

靈雞塚 國一師來徑山有靈雞常隨法會不食生類及

師之長安雞長鳴三日而死今靈雞塚存焉咸淳志塚在喝

石巖東

徑山志 徐允翹靈雞塚詩悲哉千古人迹滅不可睹何物擅靈通名山留坏土

紫石香鼎 陳文惠公堯佐嘗夢游大滌山中見仙人相

顧有鼎鼐之稱既大用遂造紫石大香鼎二置于洞前各

為銘以表其異

咸淳志 陳堯佐鼎銘二首爐之質剝中起烟人之體虛心養元不用之用自然之

然爐兮人兮茲謂道焉山之高兮巉巖出雲洞之深兮幽幽宅真鶯鶴一瞬鳥驚百春安得而往葆光齋神

樹王 光堯幸徑山憇于萬木之陰問僧木以何者為王

僧對大者為王光堯曰直者為王有杉小而直因封之四朝

同見

錄 樹王在山門前旁有奇樹樓趙宦光題

徑山志 原肇徑山樹

王詩翠絲樞密赤心存膚勝凌風瀟雨凝直節向時會遇上徵亥率土莫非臣輪囷古栢空生蜀偃蹇寒松在仕秦

瀑布青山堪帶壩
森森同見萬年春

臨安縣

臨水故城 孫權分餘杭立臨水縣晉改曰臨安縣因岡
爲城南門尤高謝安蒞郡遊縣逕此門以爲難爲亭長
水經注

臨安舊城 宋景宣中移治西墅城周五百二十步元末

燬明初移治東市太廟山右
大清一統志

衣錦營 在臨安縣石鏡上
咸淳志

臨安縣舊治 在西市徙建後廢
萬歷志 宋以前治建在高

陸鄉溪東舊碑尚存
臨安縣志

勳貴里 在臨安縣南石鏡鎮錢鏐以平董昌功昭宗名

其鄉曰廣義里曰勳貴 大清一統志

毓錦園 邑人高種構 萬歷臨安縣志

桂芝館 在臨安縣北舊治南唐大中時建成通中天降

桂子及瑞芝因名 大清一統志 唐大中十一年縣令陳思復

置初號東館 祥符圖經

元祐草堂 在臨安縣治景定三年令宗之巽建 咸淳志

九龍堂 在西墅舊縣廡東北 萬歷臨安縣志

頤蒙堂 臨安縣治南淨梵院有頤蒙堂 咸淳志 洪杏

山下有古頤山下山泉蒙生靜山之體養正靜之功
明附六窗明寂寂萬籟空坐觀鼻端白岩花自春風

清心堂

在臨安縣西二里海會寺

咸淳志

蘇軾海會寺清心堂詩南郭子

禁初喪我西來達磨尚求心此堂不說有清濁遊客自觀
題淺深兩歲頻爲山水役一溪長照雪霜侵紛紛無補竟

何事慚愧高人閉戶吟

望錦亭

在臨安縣南石鏡山之椒

咸化舊志

十錦亭

自青山亭背溪行山間至十錦亭大溪橋乃復

踰溪則已次臨安治昔吳越王歸燕父老山林皆蒙以錦

故今有十錦亭

臨安山水記

縣有十錦皆由武肅衣錦還鄉而

名衣錦營衣錦山衣錦南鄉衣錦北鄉錦溪錦橋畫錦臺

畫錦坊保錦山衣錦將軍樹

臨安縣志

青亭

在臨安縣治之東一十八里

咸淳志

下同

錦野亭 在臨安縣西山 錦野亭詩者宋吏部侍郎臨

安俞烈若晦為錢氏而作也王遂有題錦野亭詩意圖序

浙江通志

三休亭 玲瓏山上經石門三百餘武曰三休亭俗呼為

半山亭亭上石磴蜿蜒曰九折岩此蘇詩所云三休亭上

工延月九折岩前巧貯風也

萬歷臨安縣志

收春亭 在玲瓏山南寬可容數十人茗溪安樂塔等處

盡在覽中邑令黃鼎象重建改剩借亭

玲瓏山志

空飛亭 在臨安縣九仙山上眉山王櫛建

咸淳志

海風江月亭 在臨安縣九仙山瀑布前邑令宗之興建

咸淳志

環錦亭

在縣南西新鄉宋邑人俞氏山園

嘉靖臨安縣志趙汝談

題俞氏環錦亭詩二首與子鄉鄰信有年故王遺事到今
傳夾鳩邑改風烟在散騎園分水竹偏高架插書供夜讀
滿堂成續敵春妍相如可似區區者駁筆題橋亦偶然粉
社交陰舊有綠蹇驢那得到亭前青山謝傳移尊地白水
錢王守琛田尚友詩書消暇日養親豚非樂
豐年異特馴馬榮歸里虛左相迎更可憐

迎暉亭

臨安雙林院山南有迎暉亭望錢塘江見東日

初升洪忠文咨夔詩云參寥有句墜杳靄更上迎暉亭從

倚咸淳志

釋懷海迎暉亭詩徑盡崖平四望開萬山不
共此崔嵬白雲千里江城落日月中宵海國推草屨得

霜秋尚碧松高無雨衣成雷悠然
倚樹窮雙眼鳥影人烟蕩漾來

豁然亭

在臨安縣北二十里福勝院之北山

咸淳志趙仲彙因

遊徑山登谿然亭遠望詩千騎踏青霜東遊古道場雲籠
山骨秀風引水聲長曉日依稀暖寒花吹次香後隨吹管
急空谷

答宮商

傾蓋亭

在臨安縣徑山

舊志 范成大徑山傾蓋亭詩
萬山羅立紫雲幢娟娟時聞晚

吹香山下行人塵撲
面誰知世界有清涼

按省志作傾蓋亭似誤

含暉亭

國一坐禪時有彩雲朝暉覆聚不散故名

徑山志

龍大淵含暉亭詩亭迥出千峰上絕頂青蒼世罕聞畫
棟浮嵐開曉日彤簷新霽逗春雲谷中虎豹皆能變天上
鸞鳳本不羣拄笏何人瞻
氣爽拂衣惟我出塵氛

觀瀑亭

由天目山麓昭明菴而上有勝概亭過龍王祠

有且止亭更由將軍峰碎玉坡上二里許有觀瀑亭瀑布

高倚斷崖下臨絕澗望之如匹練然

萬歷臨安縣志

有秋軒 在縣廨西北宋景定三年令宗之巽建

嘉靖臨安縣志

萬菊軒 雙林山八景之一

萬歷臨安縣志

張輿萬菊軒詩清景聚幽軒蒔菊更高

致衆芳已搖落萬花始佳麗銅鑪羅庭除觴詠聊適意何必如遠公不許淵明醉 高得暢萬菊軒詩一軒專爲黃花設富擬人間萬石君佳木廢從方外得妙香多在定中聞引泉北澗分清露閑徑南山見白雲此意欲從知者道陶翁猶自未離羣

玉册樓 錢元瓘爲吳越國王于衣錦軍建玉册金券詔

書三樓

神州古史攷

艮山閣 在臨安縣南石照山淨土寺

咸淳志

宗之巽題艮山閣詩二首

艮山仁者寂不動前僅老獅機械深且背行庭無別義佛心卽是伏巖心一邱瓦碎苔亂住四面森嚴陣馬齊却笑

白雲無定相長
時逐雨過前溪

環翠閣 臨安縣東山塔院謝安石高卧之地有環翠閣

咸淳志 俞烈環翠閣記 東山綠深幽遠僧徒依岩石左
右結架爲房屋雖面勢位界各得近山頽不能以轉遠僧
道堅由岩西上得負山之陽屋結屋數椽前瞰浮圖旁揖
西山旣已清曠深窈股置埃而納沆漚又因崖累甍出屋
之危結爲飛簷巖棟以接雲氣臨風雨而名之曰環翠閣
隔窗而南望則南峰近嶺奔騰延袤而東西馳如植陸離
之旗如縱羣馬之羈如叢冠盛服駢肩接袂而劍佩陸離
也傍眺西南林木斷缺口高荆霁好山平遠溪光石磧吞
吐出沒村墟野屋之離列沙禽谷鳥之上野水渡影之
往來隱見往往盡得于几席之上余家西市山麓砥夷見
時羈舄已熟往來旣壯負書劍又寄迹焉堅師且老其徒
慧淳久客方外頗疏通善談笑薰爐茶鼎喜接吾徒予與
往來又加密焉嘉泰甲子予復官中都山中之人曰噫淳
死矣淳以老死不足多咤環翠爲東山勝處顧傾壓摧圯
埋淪烟霏草樹之間鴉鷓灌莽鼠伏亂穴或無士大夫履
者余聞之爲惻然動心勸寺僧了一糞除舊翳截度腐折

又使取材于山且捐已帑以助成之曾未幾軒閣渠渠遂
可登覽逶迤山之流峙草樹之華滋烟雲之變態前瞻却顧
了無遺遜嗟夫人生如寄修短無齊俯仰之間便爲陳迹
而世之賢豪才傑之士往往登牛山而洒涕撫松菊而盼
庭柯則悠然自喜彼豈不知生死興壞相爲乘除而顧爲
無益之燕喜哉撫今懷昔悼日月之逝有不容已耳余年
逾五十奔走南北坐閱世故亦云多矣乃猶徒倚于斯慘
然興懷非特以識其念舊懷往之心亦以記夫時序之推
移人事之變化且感予之老也

仙人臺 在臨安縣西五十里居人或中夜聞琴瑟之音

晏公
類要

按於潛縣有仙人臺凡五詳見山川卷

郭文故宅 在臨安縣臨安山南水經注宅傍山面谿東

有文墓晉建武元年文自王導西園逃此而終

大清一統
志

文居凡數處一云餘杭由拳山見元和志一云新城縣靈
耀寺見類要一云臨安縣郭山墓亦在焉見名勝志此卽
水經注所云傍山面溪宅東有墓者是也郭山之名出自
後人因文而名之耳然據水經注文宅已有二矣攷晉書
本傳文本河內軹人入餘杭大壁山中窮谷之地而居焉
後王導迎置西園凡七年逃歸臨安結菴山中據此則文
初至餘杭後至臨安本傳與水經注悉合

浙江通志

許邁故宅 在臨安縣天目山下邁修真之處址尚存

清一統

志

按昌化縣志縣西晚川山下又有許遠游宅

滕茂實故宅 在舊治西卽前明高種毓錦園址也今咸

稱之曰滕臺門

臨安縣志

錦南莊 錦南爲錢武肅王生地有錦南八勝莊其一也

嘉靖臨安縣志

茅嶺洞室 在臨安縣垂霄山晉許邁築精舍與陳世安

茅季偉往來于此

舊志

功臣寺佛坐 錢王幼時常憇功臣山下忽一石屹然自

立王志之後建功臣精舍以石爲佛坐

吳越備史

將軍樹 臨安里中有大樹錢鏐幼時與羣兒戲樹下及

貴歸宴父老山林皆取錦號其樹曰衣錦將軍

五代史吳越世家

蘇軾將軍樹詩阿堅澤畔菰蒲節元德牆頭羽葆桑不食
世間閒草木與人何事管興亡王執禮將軍木詩并序
錢王徵時嘗遊難此木下後貨顯封爲將軍木云脫急曾
聞匪異人論功值得號將軍長身已逐雲烟去賴有孫枝
記舊
勳

於潛縣

於潛故城 在今縣治北隋開皇中楊素始築周一里有

奇久廢 大清一統志

按嘉靖縣志以爲開皇十三年

潛州故城 於潛縣東七里九十步有古城相傳云武德
中置潛州所築城高一丈五尺厚九尺基厚一丈八尺今

地名城嶺 咸淳志

紫溪故城

在於潛縣南三十里

大清一統志

按咸淳志云紫溪縣廢城在潛川鄉城後村於潛志載諸村無城後之名而謂武勇山有紫溪故址武勇山去縣四十七里與云三十里者亦不合

越王城 在於潛縣東十五里阿頂山上按夏后少康之後封於越其支庶或居于此城址猶在又名平越城下有平越村與皇甫巖相近

咸淳志

按此城當爲後漢許昭所築皇甫嵩討平許昭更名平越城咸淳志皇甫巖下敘此事頗詳

樓林 紫溪又東南流十餘里中積石磊砢水木相映泉

石爭輝名曰樓林

水經注

潛溪館

在於潛縣西二十步舊名潛川驛紹興四年冬

令邵文炳遷于縣南門外一里去館七十步又別有芙蓉

館

咸淳志

章成綱潛溪館詩候吏立沙際田家連竹溪

楓林社日鼓茅屋午時雞雀噪晚禾地蝶飛秋草畦驛樓官樹近疲

馬再三嘶

昌黎館

在於潛縣岸嶺山邑人以令韓灌爲政明允以

寓去思又名曠軒

咸淳志

按萬歷舊志云曠軒在於潛廳事東偏宋令葉衡建邵

文炳爲記與此不同

袞繡堂

宋隆興初令葉衡於廳之東偏築堂爲退思之

所慶元中衡入相令邵文炳名其堂曰袞繡嘉泰三年縣

治火此堂獨存

嘉靖於潛縣志

邵文炳袞繡堂記潛故

而武殆不異澤國類既別而州廢而邑離合雖異而遺風
餘習猶有存者史習故常輸菑不理往往詭以遠陋迄今
越在畿內聲教漸摩然與于禮義民視吏治良否皆然
議而品第之故常難服而易化苟有以應所俟則相與愛
敬而不忘金華葉公之來察里閭情偽銳于植立求有以
稱塞明詔靡事東偏有堂深靜而虛明為退思之所融融
萬理出而施之所以洗濯而鼓舞其民者烝烝無復苟且
之意令行取乎流聲轉聞首被推擇不十年遂宰天下邑
人誇詡以為昔所未有後公來者欲踐武增光而亦未能
也袞衣繡裳室通人遠之歎及茲未幾于家晉陵公嘗分
符臨吾州頗識公模架乃今獲承遺烈五十年之後顧當
時所居之堂傾陔推朽殆且壓焉于是剔蠹扶顛振而新
之揭名袞繡不獨慰父老思戀非木映帶軒廡欣榮改觀
之態亦發越而形見焉夫運天下與治一邑事孰與謀而
俱以宰綽均一子惠之道蓋非有二本源泉混混放乎四
海細之所自也登茲堂而遐觀心存古人夢接千載能使

民安其生物得其所薰陶至和退還醇風于以爲吟絃之
遺音歌竇繡之聲詩思無塊矣靈臺丹青惟榮身之慕則
非所敢知也

景覽堂

在於潛縣治簿廳左

萬歷舊志

和風堂

在於潛縣學訓導署

陳鐸和風堂記

思政齋

寶慶丁亥於潛令方熙重建縣治有思政齋及

紫薇館深明軒諸構

咸淳志下同

月華亭

於潛縣治內亭榭池館依山占勝寔爲他邑之

冠亭有月華扶春諸類

野翁亭

在於潛縣西一里宋熙寧間縣令刁鑄建

大清

一統志

前挹崖粵下臨浮溪爲一邑絕景淳熙初令趙師密

更新之

咸淳志

蘇軾於潛令刁同年野翁亭詩山翁不出山溪翁常在溪不如野翁來往溪山間上友麋

鹿下兔鷲同翁何所樂三年不去煩排擠翁言此間亦有樂非絲非竹非蟻眉山醉後鐵冠落溪女笑時銀櫛低我來觀政同風語皆云吠犬足生簷但恐此翁一旦捨此去長使山人索莫溪女啼

山翁亭

在於潛縣圃左白雲菴側令張大猷建後令胡

衛易于山巔以臨秀亭舊址爲之

咸淳志下並司

溪翁亭

淳熙初令張大猷立于縣西北之潘洲尋廢嘉

泰元年令晁百談徙于縣北三里後清橋之東後令胡衛得舊盧瑤所書亭扁立于潘洲新亭上遂還舊觀

按東坡野翁亭詩山翁不出山溪翁常在溪自注云前

二令作二翁亭是東坡時已有此二亭矣淳熙當係重

建惜初建之令不可攷也

雙溪亭 於潛之潘洲正在二水合流之中令胡衛築亭其上扁曰雙溪

懷謝亭 在於潛縣岸嶺山南中路世傳謝安嘗遊此後

世因建亭以致景慕云

萬歷舊志

清白泉亭 在於潛縣令邵文炳經營浮橋之始散步溪岸俯視山麓有泉溜冷然色清味甘因築亭于上且以名

其酒

咸淳志

招隱亭 於潛石柱山北澗纓潭上有招隱亭又山東玉

鏡潭有釣月亭並宋參寥子所建

成化舊志下同

轉山亭 於潛西菩山明智寺前有亭曰轉山取東坡路

轉山腰之句

明秀亭

在翠微亭南今廢

於潛縣志

翠微亭

在觀山半嶺令汪奕題

萬歷舊志

立玉亭

在天目山景絕勝

於潛縣志

錢寬立玉亭詩
萬玉峰頭立孤亭下鹿羣何

人吹鐵笛驚

散洞中雲

真際亭

自西天目山觀音巖循牛眠亭而上踰半山橋

爲真際亭則高麗王問法高峰時所署者

天目山志

此君軒

寶慶初建

舊於潛縣志

洪咨夔此君軒記畧
萬隸寂照精舍東坡以侔杭行縣爲

賦不可居無竹之詩隆興初徙于縣治賓緝堂之東開禱
間嘗重建寶慶初避上嫌名令屬江方照易以此君軒仍

用坡詩取晉王徽之語也 蘇軾於潛僧綠筠軒詩可使
舍無肉不可居無竹無肉令人瘦無竹令人俗人瘦尚可
肥士俗不可醫傍人笑此言似高運似癡若對此君仍大
嚼世間那有揚州鶴 祝登登綠筠軒詩憶昔東坡州郡
時綠筠軒裏舊題詩風流肯羨揚州鶴滋味還甘玉版師
百歲真香根尚在千年應俗士堪醫於潛令比河陽令種
竹栽花
不費費

日哦軒 在縣丞廳宋建 嘉靖於潛縣志 婁機日哦軒

俗無今古雲山自主賓灘平分燕尾松 詩高軒多暇日安寐獨怡神風
老半龍騎從倚清陰下吟成愧昔人

松軒 在於潛縣北空明院 乾道志 洪咨夔題松軒詩

耐久朋隨世炎涼架是爾與時榮悴我何曾尊傳茶鼎風
鳴簾影過薰爐月抹榜東絹欲煩三昧手箇中著箇夏詩

僧

會心樓 在於潛縣治東 咸淳志 洪咨夔會心樓記潛
負天目支峰石柱爲縣治前線

鳳凰青山右峙岸尊三面騰躍峻拔多奇觀東山獨庫伏
不稱鳴昔嘗于門阿少左作近民樓以亢厥勢而地迫露
雜非宜火且十年矣今令荆谿張君本來公餘憑高周覽
謂景岡觀泉辨陰陽而位置古人所重相攸衆衆圍亭之
列岫正枕東麓可駕岸以爲崇屬皆農隙買材費力斥亭
爲重屋三間飛跂縹緲脫氛埃而接雲氣扁以會心其下
軒窗靚深仍列岫之舊名前二十步山崎斗立磻外八十
許步灌莽叢葦爭長夷爲岡以射北有靜深亭環立鉅竹
迺取徑于亭之東南步圖級磻而升樓羣山奔奏一覽而
有如主人由阼階蕭賓及介相與揖遜酬酢于几席間不
諱不逼左右俱宜邑勢隱然以尊非直爲臨眺設也而却
紛領要躡瀛此心之煩懣以熙其民厥有助焉其成也以
卯臘月

風琴樓

在於潛縣治

成化
舊志

分經臺

在東天目卽梁昭明分梵本金剛經處

天目山
志馮

夢禪分經臺詩帝子分經處荒臺儼未傾三松寒作蓋千
嶂博爲城白日齊梁運子雲旦暮生人傍明月夜彷彿見

吹

張道陵故宅 在於潛西天目山南峭壁高二百餘丈乃

漢天師張道陵隱室旁有張公小舍

名勝志

可菴 於潛縣天目西麓爲紫薇巖洪氏可菴在巖左

咸淳

志 有飛雲石玉筍藥洞經龕金鰲山靈泉盤雲亭長春塢

含暉池小桃源諸勝

於潛縣志

俞烈可菴記臨安天目

耐翁以力農起衣食屢厥給愛采石皆嗜欲相攸紫薇巖
之左得佳山峭壁稜層圭角冒上欲出秀鮮碧潤班班呈
露翁放杖太息曰是必有異呼奴其畚缶厲斤斧翦雜榛
翳葦除土磔則峰巒竒直如立筍平若截肪岑銳嶺壘
爭見姿態既有端緒則銳意欲成之奏歲儉餽鳩旁近村
民用一錢移擔上以漫治凹下灌樹蔽翳旣芟除之泉脉
欲流復釀導之則平行清深嵌巖宛曲各有奇狀于是名
其石之翼然欲升者曰飛雲峭然凝竚者曰玉筍窈然清

深命曰藥洞呀然深邃命曰經龕山有峭立石壁而有形
巖是踣負其下者曰金鰲泉眼流珠濺沫不爲旱潦增損
命曰靈泉閣微徑上飛雲頂築亭其巔名曰盤雲取樂天
牛氏石記盤坳秀出如靈邱鮮雲之意巖石之下小築數
椽而口可菴翁燕游藏息之地也菴之東數步曰長春塢
西取清池口舍暉室徑直前依山植桃數十百株方春和
時霞錦燦爛名曰小桃源稍西則爲歸藏之塋翁始此地
神怡意適謂是已足吾心計當生死此中坐而對石則眼
恍然明因而支石則意灑然醒客或叩門管領登山擊簫
醉醺必極其酣適然後已聞客譽石之辭則喜津津見顏
而每發其嗜好之異其中必有自得其道機轉物能與此
石俱消忘者與諸吾齋請記不已者翁之孫濟夔以儒學
登第且試學官中其科今分
教陸學與予交好遂爲之記

雲封菴 在天目山之西北卽許真君舊隱外極平敞俯

視羣山高下奔軼若萬馬然常有雲鎖窗扉故號雲封菴

咸淳

志

洪氏山房 在於潛縣寶福寺洪忠文公舜俞聚書于中

咸淳志

魏了翁洪氏山房藏書記畧寶慶元年吾友洪

舜俞自考功郎言事罷歸於潛讀書天目山下寶福僧寺觀深舜俞合新故書得萬有三千卷藏之聞復閣下如李氏廬山故事而移書于靖屬予記之

仙樂 天目西峰絕頂人迹罕至常于風清月白之夜聞

雲外笙簫聲又云每陰霾欲舒或久晴將雨至夜先聞空中絲竹具舉越旦或在峰尖或響巖谷鄉民樵者聽以爲

候咸淳志

牧嶺松 在於潛縣南四十里盤錯奇怪嘗有兄弟欲訟

于有司夜行憇其下遲明各悔咎而還因名松爲木長官

舊志

南新瑞木 治平中杭州南新縣民家析柿木中有上天

大國四字書法類顏魯公有筆力國字中間仍排起作大

口全是顏筆其橫畫卽是橫理斜畫卽是斜理其木直剖

偶當天字中分而天字不破上下兩畫并一脚皆橫挺出

半指許如木中之節以兩木合之如合契焉余親見之

夢溪

筆談

新城縣

新城故城 在縣東南三里周廻三百丈唐徐敬業起兵

所築

祥符圖經

東安鎮故城

大順二年秋七月城東安鎮

吳越備史

在新城

縣治東南錢鏐將杜稜因山築城恃爲保障因亦謂之杜

稜城

讀史方輿紀要

南新廢縣 新城縣西五十里又西至於潛縣六十里宋

淳化六年改南新場爲縣熙寧五年廢爲鎮

浙江遂志

按宋史熙寧五年省嚴之南新縣入杭新城縣

新城縣舊治

舊在縣東南隅唐長壽中始建今治

萬歷新城

縣志

新城縣簿廨 在新城縣城內以杜稜舊宅爲之

咸淳志

白石村

在南新鄉

萬歷新城縣志

吳翫飽萊就三眠隔水東風度柳綿

斜日青牛山下路
茅簷細細出茶烟

陳氏園 在新城縣石羊山下

名勝志 晁補之題陳氏園詩山園芙蓉開寂寞歲

云晚公來無與同念我百里遠寒殿吹空林白日下重巖
興盡還獨歸挑燈古囊滿 蘇軾新城陳氏園詩次晁補
之韻荒涼廢圃秋寂歷幽花晚山城已窮僻况與城相遠
我來亦何事徙倚望雲巘不見苦吟人清樽爲誰滿

深清堂 在新城縣治內取蘇文忠亂山深處長官清之

句

萬歷舊志

深靜堂 在縣南七里碧沼寺

萬歷新城縣志下並同李處端深靜堂詩渡水穿

雲特地來虛堂深靜絕塵埃泉流舍下滿荷色山作人間
翡翠堆解籜娟娟新竹長弄香紅網籠花開重惟勝儼難
爲詠况我初

無錦繡才

妙香堂 在碧沼寺內

葉衡妙香堂詩巍巍畫棟插晴空
時有芳馨因雨通好爲高禪參鼻

觀未應公子問蕙籠香前一炷沈香殿窗外數
番蘭蕙風信道杜陵佳句在心清

此堂中

進德齋

在南安鄉塾

鄭清之題萬君用進德齋詩相花
經兩已脫白楓葉未霜先借緋入

字蚊牙千計巧掛簷蛛腹十分肥田翁看水攜鋤去村
婦臨炊抱蔓歸惟有詩腸無一事隔溪數盡暮鴉飛

春波亭

在新城縣登平橋之東端平元年令陳收建

咸淳

志 陳收春波亭詩翼然溪許一亭新激澆波光巧樣春
一舸月明漁射宿數帆風飽客知津沙侵鷺磧猶含澗光
點魚天不受塵莫聽陽關
始拚醉好將醪酌付芳辰

舒嘯亭

在新城縣東南獅子山元至元間邑丞張世榮

建今亭據壘江上萬歷三年知縣溫朝祚重建

萬歷舊志
方廉題

舒嘯亭詩巖際荒亭沒草萊山靈能待使君開清音如發
孫登嘯高詠還追郢客才列岫雲過茗弁拱寒流樹底練
紋迴時聞半嶺鸞鳳奏知有松風隔水來 吳頴集舒嘯
亭詩舒嘯孤亭上淙淙流水平雙江浮暮靄一石聽秋聲
人秀闕天象官清具野情
重陽佳興托對客喜詩成

水心亭

在縣城東北隅有方廉水心亭誌

萬歷新城縣志

懋節亭

在新城縣景德觀北宋端平初令陳收建景定

間令王璟重建

萬歷舊志

唐氏林亭

在新城七賢鄉有識春亭四并亭壽堂

咸

志孫邦過唐氏林亭詩華屋耽耽野外居茂林清蔭逸門間移花植果心無事抱子弄孫歡有餘閒過西疇觀刈麥懶尋南郭問巾車欲爲君國嗟予晚便擬歸休學二疏

噓雲亭

在縣西十八里蛻龍洞口

新城縣志

張沐噓

龍山焉舊有古洞厥名蛻龍洞口兩崖削立宋賢題詠多刻其間蓋今建亭地也斯地前瞻神岫後枕湘溪左接峭峰右隣佛嶺信宮壘之大觀東安之勝境矣于寅春假館此山愛其殊絕過探幽討寔諧夙心時則邑令潛山聶侯德治羣黎政成三載鳴琴之暇飛鳥來臨惠我同遊遂成佳賞慕匡廬之高隱仰峴首之遺芳乃捐已俸建茲亭而

表以嘘雲焉夫雲不自致由龍而興龍不自神憑雲而顯
相彼明良之會同乎感召之機先聖感而取交韓子衍之
爲說誠有以也顧作霖寡術抱膝自吟好如葉尹展圖畫
以猶驚學匪淵泉欲囓珠之無得感憤撫景又以悲矣嗚
呼進退何恒潛見一致所貴君子遊世不問修業及時窮
而在下則泥塗軒轅任浮雲之卷舒達而在上則經綸廟
廊贊神龍之變化又何必相對新亭效南越之歎
歎哉因原華侯命名之義并列其事而直書之

鑑軒

在縣治

萬歷新城縣志
莊洪鑑軒詩鑿池一鑑
小清照遠山自不起奔雷浪微生濯月漪

林深欠屬玉萍碎引伊尼緬想人中鏡披雲觀更奇
邵
橋次韻池光開淨鏡山影展修眉石冷映碧色烟輕生翠
漪乞湖思賀監觀水詠宜尼
照坐心神瑩尚吟句復奇

碧玉軒

新城縣西興善寺有碧玉軒軒前有木犀絕園

正可愛

咸淳志
羅願題碧玉軒木犀詩助照軒前翠已
空却驚嘉樹老玲瓏幽芬自出禪枝外圓相長標

法窟中過客莫辭三宿總道人已費十年
工要須共結團樂坐賞盡秋光兩面風

烏伊軒

新城縣昌國院有烏伊軒

咸淳志

許廣淵題

萬峰青門對烏伊遂榜名千室樓臺凭檻盡一溪烟水掩
簾明爐香晨起迷雲色松韻時來雜梵聲峻極藏宜長閉

戶奈何持鉢入東城

停雲軒

在縣西北資聖院

萬歷新城縣志

錢璧題停雲軒詩插空軒檻扁停雲

本無心豈解停歎散卷舒
渾在我本來明月一天青

慶豐樓

在新城縣西杜公祠側

萬歷傳志

萬潮重建

在杜公祠側不知創自何始樓毀而其存寧國袁侯澤蒞
政之三日謁公祠頤而嘆曰臺榭之廢與常事也唯茲慶
豐者非以豐年爲吾民之慶乎樓廢而名尚存是有待也
斯漢興則豐年之慶其兆之乎于是首捐已俸買民地以
擴大其址而衆材興工好義之士各輸所有乃復荆樓三
間既成之明年使來請記按新城爲縣長江控帶羣山環
繞洪流巨浸吞吐弗絕而長溪曲澗潄瀟蓄于深村達
谷者在在而是春夏水溢則泄入江海故早勞有備異于

他方淤壤膏土接野連歷上田不恃雖而畝可十鍾入我
朝百七十年末太平無事賢令屢見是以民得安其田里
而盡力于農事秋成納稼積之如京坻春秋所書大有年
者非耶此前人之所以名樓義也然天道有乘除之數盛
福無專享之理為斯民者視斯福享斯慶曷益思所以蘇
上之仁服上之化各盡厥職以長保此慶于弗替也耶斯
樓也始工于嘉靖七年
二月迄工于八年三月

凌準故宅

在新城縣西五十里唐柳宗元有弔凌司馬

準詩

咸淳志

羅隱故宅 在新城縣東五里雞鳴山下

大清一統志

許廣

淵羅隱故宅詩廢宅百年後荒基一畝平獨憐新檜柏誰
識舊軒楹間里清風在溪山秀氣明當時苦吟夜應使鬼

神

杜稜故宅

新城縣主簿廳以杜稜舊宅為之

咸淳志

東林 在縣西廣陵鄉淨巖院 萬歷新城縣志 施肩吾招徐凝同游東林詩火輪

烈烈彤雲浮纔到東林便是秋有
个可人來未暮松風幾拂碧山頭

昌化縣

武隆故城 在昌化縣南因山為城北負唐山南憑溪不

設門歲久盡圯 大清一統志 唐萬歲通天元年易紫溪縣為

武隆縣建治在唐山之南今昌化縣治後是也 萬歷舊志

雙溪館 在昌化縣前一百一十步熙寧六年縣令陸元

長建宣和四年錢冰重建紹興三年令黃壽修開禧二年

令章伯奮建新亭旁立東坡蘇公祠 咸淳志 蘇軾自昌化雙溪館下步尋溪

源至治平寺詩二首亂山摘翠衣
裝重雙澗響空窗戶搖飽食不嫌
溪荀瘦穿林閒覓野芎苳却愁縣令
知游寺向

喜漁人爭渡橋正似醴泉山下路桑枝刺眼麥苗肥每
見田園輒自招倦飛不擬控扶搖共疑楊柳非鋤豆誰信
劉章解立苗老去尚餐彭澤米夢歸時到錦江橋宦遊莫
作無家客舉族長懸似細腰 釋道潛雙溪館呈趙德茂
詩吳會溪山總可憐此堂雄覽獨能全銀河兩派來天上
黛色千峰落檻前樵斧聲沈蒼鶴裏釣舟人在白鷗邊多
才李賀無能敵妙句行看甌象篇

紫溪館

月隄館

並在昌化縣城內

晏公類要

滴翠堂

在昌化縣治面對羣山乾道八年令卞園創

淳成

志 康萬有滴翠堂詩別簾秋色滿挂笏暮雲生山鴛鴦
玩竹淡煙點淡聲蒼苔偏喜雨翠藹亦宜晴不必環千雉
真如鏡

襲城

三瑞堂

在昌化縣治後宋景定中邑中產瑞麥嘉禾嘉

粟令劉宗憲獻于朝理宗賦詩記之以賜輔臣因建堂

大

清一統

志

清白堂 舊在縣治東北宋咸淳中令李長孺建邑進士

孫朝端記元大德中重建後堂取舊名扁之

成化舊志

瑞應堂 在昌化舊縣簿廳後宋建又有應宿堂元建

萬歷

舊志

靜觀堂 蕭源章氏山莊

咸淳志

在昌化縣南覽溪宋章詡

建

成化志 草謂首夏靜觀堂者懷詩杖策下層嶺來憩

雲外莊簷低繞類垣瀟泊在一室山高戶闕虛水清長

夏涼翳翳動林影漱激浮溪光心逸與世隔獨有文史香

汲井資嚙軟蔕藥助體強國中橋爲奴沼內菱琪家蒼官

青不老籬下明秋芳陶情在庶物養性歸琴觴燭首起遐

觀此中有淩梁李達可靜觀堂詩君不見迺都滂湯開

九達肩摩穀擊人爭馳危樓百尺獨高附下看膠擾無休

時又不見滄江茫茫與天遠輕舟出沒風濤險此時著身

不地人遺憐權夫驚彼庸靜中有味知者希紅塵拔脚與
世違世人顛倒隨醉夢我獨坐照全大檢榮名弗羨計非
如癡且愚高堂懸鏡收赴影對此今人發清省

書錦堂

在覽川宋處士章運之建

書昌化縣志

舒頤

章運之重建書錦堂成處士之世孫寧國路同知麒麟子
表兄也屬于文記之子按章氏家譜運之宋平章事鄆國
公文簡後錢塘伯之孫也文簡公居滿城作書錦堂于縣
南峰刻仁宗賜詩凡子孫登科仕宦者請名于此南渡時
倉部員外郎遷昌化亦多顯者胡主徽州婺源簿樞通議
大夫鑑爵錢塘伯鑄福建路轉運司淳淮東幹辦官祖康
監贍軍酒祖卻知浦江縣頌之桐陵縣主簿運之從仕郎
運之始遷濂川乃大其闔閭以奉先祀則仍取鄆國故居
之名榜諸廳事所謂禮不忘其本示後世猶有考焉耳史
稱文簡為人莊重深厚持守法度在中書八年宗黨親戚
一切抑而不進建邦敢士今百幾十年運之值兵戈倥傯
救死不贍之餘乃能表揚之天殆將復興章氏乎寧國今
以武功顯爵秩蓋未艾也夫文簡公詩書之傳輔相之業
其可復者蓋不止一堂而已運之積而未施施而未竟必

更有圖復其大者遠者後之子孫能繼其志而表揚之以無忘先業庶幾于此堂爲無負也

環翠亭

宋時縣治有滴翠堂後更爲環翠亭

昌化縣志
涂銓環

翠亭詩昔日坡仙句題名到此亭亂山環小邑積翠映疎
櫺掃徑臨芳砌開軒坐石屏憑欄眺聽下遠意問鴻冥

雙溪亭

宋縣令陸元長臨雙溪北流爲亭東坡經游其

上題詩紀事自後文士留題者多開禧二年令章伯奮作

新亭于上

成化舊志

徐冠新亭記唐山古山水縣縣治
之前溪分南北流直庭奔放熙寧間縣令陸元

長臨北流爲亭東坡先生蘇公賦經游亭上題詩紀事有
雙澗響空之語前挹南屏諸峰森聳奇麗洲渚演迤漁歌
野艇晨往畫來出沒灘下其後廣驛以館勞四方之賓客
于是車馬諶人有時蕭涼而臨眺之久不得以聽其意之
所適前修雅韻泉石晶瑩寔以涇汜宋開禧二年永嘉章
侯顧其棟字頽圯因廢撤之別置館于上清宮之東偏卽
故址一新其亭旁爲屋像東坡而躬之封岸兼南園舊有
臺榭之勝自雙溪跨橋以入一日水大至橋壞而亭摧邑

人自是無騁目縱步之地俟曰是亦雙溪之襟帶也于是
又爲亭三摘東坡詩句分榜之曰芎苳曰倦飛曰自招皆
所以還舊也速政閒領客優游觴詠遐想漁人爭渡之高
風必爲長太息于斯走聞南渡之初錢塘多桑莽廢墟有
新甍于屋前植竹數箇蔽遮西景一日老將過其旁拔而
斥之曰若以此爲安身耶數十年間和好旣講故老淪落
置譬不談蓋天下之寧久矣江沱遂爲宴安窟心名園列
第萃聚錢塘掩映湖山窮極錢氏富盛之習卜至深山遠
縣皆有游觀之美舒嘯之娛方今警邊燧弔遺黎侯以廉
平嚴整振之以長材撫綏惠養斯民懷德畏威服教可使
制從以撓甲兵之堅利也驅以攘却誰能禦之吾知侯之
儒雅遠韻將移爲忠義許國矣侯其謂何系以詩曰漢流
湯湯山谷林林公行于亭鼓瑟鼓琴山禽聒聒溪石岸萃
公休于亭左經右律山有嘉木侯薪侯烝尋尺之木厦屋
之楹泝彼容舫烝徒以顧屹爾中流恢我王
度公無戀斯民無去思百里之閭千里之畿

合溪亭 溪流中合處橫至里許平澗深靜開禧元年令

章伯奮建亭

咸淳志 章伯奮昌化合溪亭記 雙溪與治
相直流澗湍激市屋叢雜無幽閒曠遠之意

每憑欄望上流澗處無數百步欲一到未暇也一日有客自遠來語與意合遂駢舟至其處水流無聲綠淨可嚼鬚眉極目平遠正在雙澗上下之間面雙峰背武陸野航漁舟日夕往來雲烟收抹頃刻異態舟行容易近一里許石紺白色平鋪水底日光下澈波影內見金綠映漾若織女浪沫循平流徐行散點若殘雪不銷者久之直後夾以蓮蕩屈曲橫亘十數畝或水暴漲巨魚自溪汜流而入掉尾鼓鬣以萬許若爭赴龍門而變化渡溪登南屏山巖壁峭立古木白石出枝幹瘦硬盤屈冬少霜暉之葉幽靜奇絕之觀間見層出不可名狀而前人未有收拾品題之者抑山水黝晦自有時乎是自雙溪取徑傍東坡泉登薦菊亭由象賢菴跨二橋沿流而入芟翳規址作亭其上勝以合溪或謂唐昌山水之勝萃于此矣亭成父老聚觀士女和會咸曰今君遺我以無窮之勝稔我以去後之思而不與我久同其樂也余聞而媿之因自嘆曰峴山因羊叔子而名著後世見之爲之墮淚蘭亭非右軍則修竹激湍遂湮沒而無聞山川亭榭未有不資人而彰者余每臨文太息卽是邑有是事而尤有感于余心焉去縣二十里有灘曰洗耳橋曰白牛山曰箕山問其人則曰巢許嘗隱于是故因以得名雙溪舊有亭得東坡詩而山水爲之增新亭

亦類以不朽余貧戀微祿無巢許之高舉疎拙多奇又無東坡之才名今合溪之名既以余辱後必得如東坡者俾題之而名始重故書以示後人

許幽亭 在昌化縣晚溪之上溪旁有箕山洗耳灘白牛

橋舊傳巢許曾隱于此

萬歷舊志下同

薦菊亭 在雙溪上流溪側有窪泉甚甘潔東坡嘗酌以試茶開禧二年令章伯奮作小亭其左名曰薦菊蓋取坡詩一盞寒泉薦秋菊之義

芳洲亭 在雙溪亭南岸之中洲又有倦飛亭在芳洲之左取坡詩倦飛不礙控枝搖之句芎筍亭在芳洲之右取坡詩溪筍野芎之句三亭皆開禧元年令章伯奮建

咸淳志下

並同

按徐冠新亭記云章侯又爲亭三摘東坡詩分榜之曰
芎筍日倦飛日自招咸淳志無自招亭而徐記無芳洲
亭豈芳洲卽自招所易名耶

鏡紅亭 在合溪亭之後十餘步有藕池當其前可徑一

里開禧二年令章伯奮建取韓詩平鋪紅蕖蓋明鏡之句

章樵題鏡紅亭詩屈曲蓮汀隱復明西湖奇觀到南屏萍
花巧綴玉鈿碧山翠淨涵螺髻青隋女帝粧羞映月秦姝
望幸對明星主人約束當
樽俎未放騷翁眼獨醒

滴翠亭 在昌化縣南屏山淳熙六年令錢孜建

咸淳
志

溪南岸爲南屏山熙寧間令陸元長臨流建亭淳熙中錢

改易其名曰滴翠

名勝志

東坡亭 在治平寺後山卽武隆山皮岡熙寧四年東坡

通判杭州行邑自雙溪館步尋溪源因游寺至此愛其幽

遂構亭憇焉書東坡林三字刻石置于亭中明嘉靖間重

建

昌化縣志

清暉亭 在昌化縣水南道院舊名步虛令錢孜易今名

中廢淳祐七年令趙希偕重建

咸淳志

頌春亭 在昌化縣宋高宗賜邑令錢鼎祖顧羅山茶因

建亭以榮君之賜其處不可攷

萬歷舊志

綠筠軒 在昌化縣治

輿地紀勝

孫邦綠筠軒詩年來宦拙喜躋攀門枕溪流四面山時

過鄰僧語淨世一
軒長對此若開

掬雲軒 夕霏軒 並在縣治令卞園建
嘉靖昌化縣志

銜翠軒 硤川盛氏別業
昌化縣志

桃竹軒 在昌化縣
咸淳志 釋道潛題王悅道挑竹軒

起窮幽摘勝過三邑隨處雲林皆可喜邇來杖策到君家
始覺溪山逢骨髓爭流萬壑會目前競秀千巖對窗几丹

楓洗雨秋霽餘白鳥出沒嵐光裏主人韻勝無塵埃翠
竹紅桃相間栽良辰薄酒憑誰共月友雲朋自往來

滴翠樓 在昌化縣堪村
咸淳志 程秘撰村徐氏滴翠

之今三十年自餘杭至新安達康廬九江又由九江以達

于湖間梁益凡賢士大夫馳驅車過唐山者莫不登樓賦

詩而後去故名章尙句流音逸韻燭若編貝前編既盈嗣
以今集且屬漢叙之韻侯低首受束縛三年簿書朱墨叢
中望滴翠不三十里寸旌搖搖雙鷗不隨望想主人角巾
鹿裘朝夕其上雲樾象籟風動綠桐山雨淡烟盡願几席

未嘗不隔風自愧也今乃欲僕吐塵上語置諸右簡點澆
清景得不爲山君所不受乎尚幸四月受代而歸酌雙溪
之水洗濯塵容登滴翠之樓讀滿編之詩平招山色俯挹
溪澗聯嵐含譚浮空泛景以游乎無倪未知季登能延客
否慶元五年上
元後三日序

起青樓

在巖巖宋章樵作人多留題

成化舊志

方岳

樓多與青山對却是青山不對渠見說巖巖排闥入一窗
晴色共殘書寒青拔起一千尺山是一分雲一分切莫向
渠談世事怕渠
說與沈休文

捲雪臺

在昌化縣中洲南岸南屏山之麓淳熙六年令

錢攷建

咸淳志

般若臺

在南屏東坡題額

昌化縣志

讀書林

讀書林有二一在海寧縣治西廳一在昌化百

丈山下宋唐闕于百丈溪理茅茨讀書故名

萬歷舊志

南塾 在昌化縣覽川宋通議大夫章樵所創義學也招

延名師從學之士甚衆丞相吳潛有祭南塾碑文今遺址

猶存

成化舊志

不疑菴 昌化縣南澄寂院之後有磐陀石其大如屋容

二十人名不疑菴

咸淳志